

## JAVNI POZIV

za izbor učesnika u pilot-projektu: „MOSTAR SE VOLI – RECIKLIRAJ U ŠKOLI“

### 1. PREDMET JAVNOG POZIVA

Predmet Javnog poziva je prikupljanje prijava za izbor učesnika u pilot-projektu.

### 2. SUBJEKTI KOJI IMAJU PRAVO NA PODNOŠENJE PRIJAVE

Pravo sudjelovanja na Javnom pozivu imaju osnovne škole s područja Grada Mostara.

### 3. NOSITELJ PILOT-PROJEKTA I PARTNERI

Nositelj pilot-projekta je Fond za zaštitu okoliša Hercegovačko-neretvanskog kantona, uz podršku partnera u sistemu upravljanja otpadom:

- **Eko Život d.o.o.** – Operater sistema za upravljanje ambalažom i ambalažnim otpadom na području Federacije BiH, koji osigurava infrastrukturu za odvojeno sakupljanje otpada u okviru pilot-projekta;
- **Kim Tec Eko d.o.o.** – Operater sistema upravljanja električnom i elektronskom opremom u Bosni i Hercegovini, koji osigurava infrastrukturu za odlaganje električnog i elektronskog otpada.

### 4. FAZE PROVOĐENJA AKTIVNOSTI

Pilot-projekat se provodi kroz tri faze koje su međusobno povezane i usmjerene na postepeno jačanje kapaciteta učesnika, stjecanje znanja te završnu prezentaciju rezultata, dodjelu nagrada i manifestaciju zatvaranja pilot-projekta.

#### ➤ FAZA I: Oprema za odvojeno sakupljanje otpada

Odabranim učesnicima dodijelit će se na korištenje namjenska infrastrukturu za odvojeno sakupljanje otpada (papir i karton, plastika, staklo, PET ambalaža i električni i elektronski otpad), koju osiguravaju partneri u pilot-projektu. Oprema za odvojeno sakupljanje otpada podrazumijeva:

- Setovi sa spremnicima za odvojeno sakupljanje otpada (papir i karton, staklo, plastika, PET ambalaža i električni i elektronski otpad)

#### ➤ FAZA II: Edukativne aktivnosti

- Edukativne radionice: Stručni timovi partnera u pilot-projektu (Fonda i partnera) provodit će seriju edukacijskih aktivnosti za učenike i nastavno osoblje o pravilnom korištenju dodijeljene opreme.

#### ➤ FAZA III: Monitoring, eko-kviz i nagradna manifestacija

- Izveštaj o sakupljenim količinama: Na osnovu podataka koje sakupljač dostavlja nositelju projekta i partnerima, za svakog učesnika će biti dostavljeni precizni podaci o količini sakupljenog otpada tokom trajanja pilot-projekta.

- *Kviz znanja i dodjela nagrada:* Fond za zaštitu okoliša Hercegovačko-neretvanskog kantona će, zajedno sa partnerima Eko Život d.o.o. i Kim Tec Eko d.o.o. organizovati završnu manifestaciju, gdje će se na osnovu kombinacije pokazanih rezultata u sakupljanju otpada i znanja na kvizu dodijeliti vrijedne nagrade i priznanja za najuspješnije škole, ekološke sekcije, učenike i koordinate.

## **5. POPIS DOKUMENATA KOJE JE POTREBNO PRILOŽITI UZ PRIJAVU**

Dokumentacija se dostavlja na jednom od službenih jezika u BiH. Potpuna prijava je uslov učešća. Obavezna dokumentacija mora sadržavati:

1. Popunjen obrazac za prijavu na Javni poziv za izbor učesnika u pilot-projektu, ovjeren i potpisan (dostupan na službenoj web stranici Fonda za zaštitu okoliša HNK: [www.fzohnz-k.ba](http://www.fzohnz-k.ba))- original;
2. Izjava o tehničko – operativnoj saradnji kojom se potvrđuje spremnost o osiguranju prostora i preuzimanju obaveza (potpisana i ovjeren pečatom aplikanta)
3. Izvještaj o broju učenika u tekućoj školskoj godini (potpisan i ovjeren pečatom aplikanta)
4. Tehnički dokaz za prostor (minimalno dvije fotografije planirane lokacije za postavljanje opreme za odvojeno sakupljanje otpada);
5. Kratko motivacijsko pismo (potpisano i ovjeren pečatom aplikanta)

Aplikant može sudjelovati na Javnom pozivu s jednom prijavom.

## **6. USLOVI KOJE PODNOSITELJI PRIJAVE MORAJU ISPUNITI**

Osnovne škole s teritorija Grada Mostara koje se prijavljuju na Javni poziv Fonda moraju ispunjavati sljedeće uslove:

- Da imaju sjedište na teritoriju Grada Mostara;
- Da podnesu kompletiranu prijavu na Javni poziv Fondu za zaštitu okoliša HNK u skladu s objavljenim Javnim pozivom;
- Da posjeduju tehničke i prostorne preduslove za smještaj opreme za odvojeno sakupljanje otpada;
- Spremnost na sporazumnu saradnju (iskazana namjera škole za potpisivanje sporazuma s partnerima u pilot-projektu, kao i sa sakupljačem o redovnom preuzimanju otpada i utvrđivanju prava i obaveza strana u sporazumu;
- Ispunjavaju i druge uslove utvrđene pozivom

Potpunom prijavom se smatra ona koja sadrži obaveznu dokumentaciju traženu Javnim pozivom. Neblagovremene i nekompletne prijave će biti odbačene.

## **7. OBAVEZE ODABRANIH UČESNIKA NAKON SELEKCIJE**

Aplikanti koji na osnovu odluke Komisije za obradu prijave budu odabrani za učešće u pilot-projektu preuzimaju odgovornost za operativno provođenje projekta u svojim ustanovama, što podrazumijeva potpisivanje sporazuma o saradnji s partnerima u pilot-projektu i sakupljačem kojeg imenuju partneri. Sporazum o saradnji podrazumijeva sljedeće:

➤ *Ustupanje opreme i namjensko korištenje:*

Partneri će učesnicima u pilot-projektu dodjeliti na korištenje setove kanti i kontejnera za odvojeno sakupljanje otpada. Učesnik se obavezuje da će opremu koristiti isključivo za odvojeno sakupljanje otpada i štiti je od oštećenja.

➤ *Imenovanje koordinatora:*

Učesnik je obavezan donijeti službeno rješenje o imenovanju koordinatora projekta iz reda zaposlenika.

➤ *Održavanje kontinuirane saradnje:*

Uspostavljanje stalnog kanala komunikacije između učesnika i sakupljača. Učesnik je obavezan blagovremeno obavještavati sakupljača o stanju otpada i osigurati neometan pristup školskom objektu.

➤ *Monitoring i verifikacija (vaganje):*

Obavezno prisustvo koordinatora prilikom preuzimanja otpada radi preciznog vaganja. Ovi podaci, verifikovani od strane sakupljača, čine osnovu za bodovanje u finalnoj fazi projekta.

***Napomena: (Učesnik u pilot-projektu obavezan je prije ustupanja opreme za odvojeno sakupljanje otpada potpisati sporazum o saradnji s partnerima, koji definiše sva prava i obaveze strana u Sporazumu).***

## **8. KRITERIJI ODABIRA**

Komisija za izbor učesnika vršit će bodovanje prijave prema slijedećim kriterijima:

- Tehnička i prostorna spremnost (0-30 bodova);
- Kapacitet ustanove: Broj učenika u tekućoj školskoj godini (0-50 bodova);
- Kvalitet motivacijskog pisma (0-20 bodova)

Analizu pristiglih prijava na Javni poziv vršit će Komisija koju imenuje Direktor Fonda za zaštitu okoliša HNK. Povjerenstvo je dužno izvršiti uvid u sve pristigle prijave, utvrditi jesu li podnesene blagovremeno, odnose li se na predmet Javnog poziva, jesu li podnesene od strane subjekta na kojeg se Javni poziv odnosi, te je li uz prijavu dostavljena dokumentacija tražena Javnim pozivom. Komisija će izvršiti provjeru ispunjenosti uslova za izbor, te će po utvrđivanju valjanosti prijave i provjere dokumentacije, sačiniti listu prijave koje zadovoljavaju uslove Javnog poziva. Komisija će uz listu onih koji zadovoljavaju uslove Javnog poziva, sačiniti i listu onih koji ne zadovoljavaju iste. Izvještaj sa pratećim rang listama Komisija dostavlja Direktor Fonda za zaštitu okoliša HNK. Odluka će se objaviti na web stranici Fonda: [www.fzohnz-k.ba](http://www.fzohnz-k.ba)

## **9. MJESTO I ROK ZA DOSTAVLJANJE PRIJAVA**

Umjesto adrese, na kovertu zalijepiti popunjenu naljepnicu koja se nalazi na web stranici Fonda za zaštitu okoliša HNK.

Obrasci, izjave i naljepnice za prijavu po ovom Javnom pozivu mogu se preuzeti na službenoj web stranici Fonda za zaštitu okoliša HNK: [www.fzohnz-k.ba](http://www.fzohnz-k.ba).

Prijava za sudjelovanje dostavlja se osobno ili putem pošte na adresu: Fond za zaštitu okoliša HNK Ul. Blajburških žrtava bb 88000 Mostar

Prijava se dostavlja u zatvorenim neprovidnim kovertama s naznakom: „NE OTVARAJ – PRIJAVA NA JAVNI POZIV“

Ovaj Javni poziv objavljuje se na službenoj web stranici Fonda za zaštitu okoliša HNK [www.fzohnz-k.ba](http://www.fzohnz-k.ba)

Rok za podnošenje prijave je 7 dana od dana objave na službenoj web stranici Fonda.

Dokumenti koji se šalju na Javni poziv ne vraćaju se aplikantu.

#### **10. ROK ZA DONOŠENJE ODLUKE O ODABIRU**

Rok za donošenje Odluke o odabiru učesnika je 8 dana od dana zatvaranja Javnog poziva.

#### **11. ZAVRŠNE ODREDBE**

Fond za zaštitu okoliša HNK ne snosi nikakve troškove nastale pripremom i dostavljanjem prijave, te aplikant nema prava na naknadu bilo kakvih troškova po osnovu sudjelovanja na ovom Javnom pozivu. Za dodatne informacije može se obratiti Fondu radnim danom os 10:00h do 14:00h.